

Na osnovu člana 15. stav 1. tačka 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj : 49/06 i 51/09, te člana 71. stav 2. tačka 1. Statuta Općine Vogošća ("Službene novine Kantona Sarajevo", broj: 27/14 – Prečišćeni tekst, 14/15 i 9/20), Općinski načelnik raspisuje

**JAVNI POZIV
ZA UČEŠĆE U PROJEKTU
„SUFINANSIRANJE POSLOVNIH PLANOVA ZA RAZVOJ PODUZETNIŠTVA
I ZAPOŠLJAVANJA MLADIH“ U 2024. GODINI**

O PROGRAMU

U Strategiji razvoja općine Vogošća za period 2023 – 2027. godine, a u cilju povećanja zaposlenosti u privredi, poljoprivredi i uslužnim djelatnostima uz povećanje dodane vrijednosti, Projekat „sufinansiranja poslovnih planova za razvoj poduzetništva i zapošljavanja mladih“, prepoznat je kao strateški cilj.

Samozapošljavanje mladih putem Programa razvoja poduzetništva i podrške osnivanja poslovnih subjekata (Start-up) na području općine Vogošća, jedna je od značajnijih mjera za postizanje ovog cilja.

Planirana budžetska sredstva će se koristiti za podsticanje poduzetničke inicijative kroz nadmetanje poduzetničkih ideja i održivih poslovnih planova. Za potrebe realizacije ovog Programa Općina Vogošća je predvidjela sredstva u Budžetu za 2024. godinu u ukupnom iznosu od 35.000,00 KM

Novčana podrška namijenjena je sufinansiranju pokretanja biznisa kroz finansiranje troškova registracije biznisa, naknada za doprinose i nabavke opreme (stalna i obrtna sredstva).

Visina bespovratnih sredstava po biznis planu može iznositi maksimalno do 8.000,00 KM.

CILJ JAVNOG POZIVA

Osnovni cilj javnog poziva je podsticaj poduzetništvu i samozapošljavanju mladih do 35 godina starosti sa područja općine Vogošća kroz sufinansiranje troškova pokretanja i razvoja vlastitog biznisa.

PRAVO UČEŠĆA

Korisnici sredstava mogu biti osobe koje ispunjavaju sljedeće uslove:

- a) Nalaze se na evidenciji nezaposlenih lica JU Služba za Zapošljavanje – Biro Vogošća.
- b) Imaju prebivalište na području općine Vogošća.
- c) Pripadaju kategoriji mladih starosti do 35 godina.
- d) Po odobravanju poslovne ideje će registrovati i razvijati vlastiti biznis na području općine Vogošća.

Prihvatljivim troškovima smatraće se:

- troškovi registracije biznisa,
- naknade za obavezne doprinose,
- nabavka opreme: stalna i obrtna sredstva - alat, tehnika, sirovine, materijal, softweri, prostor/uređenje prostora

Neprivatljivim troškovima smatraće se svi ostali troškovi, kao što su:

- osnivački kapital,
- troškovi neto plate,
- troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.),
- kamate,
- police osiguranja imovine,
- kupovina i iznajmljivanje zemljišta, objekata i automobila,
- troškovi koji nisu relevantni za implementaciju biznis plana, i sl.

Svi troškovi koji su nastali u periodu prije potpisivanja ugovora sa Općinom Vogošća spadaju u kategoriju neprihvatljivih troškova.

Bespovratna sredstva podrške će biti dodijeljena najuspješnijim aplikantima na bazi kompetitivnog procesa odabira i stručne procjene izvodljivosti, kvaliteta i opravdanosti poslovnih ideja. **Samo učešće u ovom programu ne podrazumijeva automatsku dodjelu bespovratnih sredstava.**

Djelatnosti koje neće biti podržane kroz ovaj javni poziv uključuju:

- proizvodnju i promet duhana i duhanskih proizvoda,
- proizvodnji promet alkoholnih pića,
- proizvodnju i promet oružja, te
- proizvodnju i promet proizvoda i usluga koji nisu dozvoljeni po BiH zakonima i propisima.

KOMISIJA

Postupak dodjele bespovratnih sredstava Općine Vogošća namijenjenih podsticaju poduzetništva i samozapošljavanju mladih sa područja općine Vogošća provodi Komisija koju imenuje Općinski načelnik.

KRITERIJI I MJERILA

KRITERIJ	Mjerilo: očekivani godišnji profit/visina investicije	GRADACIJA
održivost biznisa Mjerilo: očekivani godišnji profit/visina investicije	manje od 0,1 od 0,1 od 0,5 viši od 0,5	0 bodova 5 bodova 10 bodova
jasno definirani proizvodi i usluge	nije jasno djelimično jasno potpuno jasno	0 bodova 5 bodova 10 bodova
jasno definiran plan djelovanja	nije jasno djelimično jasno potpuno jasno	0 bodova 5 bodova 10 bodova
identificirani rizici	nisu identificirani djelimično identificirani potpuno identificirani	0 bodova 5 bodova 10 bodova

jasni pokazatelji prodaje usluge	nije jasno	0 bodova	
	djelimično jasno	5 bodova	
	potpuno jasno	10 bodova	
iznos sredstava za realizaciju poslovne ideje	manje od 4.000 KM	5 bodova	
	više od 4.000 KM	10 bodova	
iznos vlastitih ulaganja	vlastita sredstva/ tražena sredstva	manje od 0,5	5 bodova
		od 0,5 do 1	10 bodova
		više od 1	15 bodova
mogućnost dodatnog zapošljavanja	broj dodatno uposlenih osoba	0	5 bodova
		1 ili 2	10 bodova
		više od 2	15 bodova
inovativnost poslovne ideje	nije inovativno	0 bodova	
	djelimično inovativno	5 bodova	
	potpuno inovativno	10 bodova	

Maksimalan broj bodova je 100.

Biznis planovi koji budu bodovani sa manje od 50 bodova ne mogu dobiti podršku.

PROCES EVALUACIJE BIZNIS PLANOVA

- Komisija u prvom koraku razmatra formalnu ispravnost prijava.
- Formalno ispravne prijave Komisija boduje shodno kriterijima i sačinjava prijedlog rang liste.
- Prijedlog liste iz prethodnog stava Komisija dostavlja Općinskom načelniku na odobravanje.
- Načelnik odobrava prihvatljive prijave do ukupnog nivoa sredstava planiranih Budžetom za 2024. godinu.
- Lista odobrenih prijava biće objavljena na oglasnoj ploči i web stranici Općine Vogošća.
- Sa podnosiocima najbolje ocijenjenih biznis planova Općina Vogošća zaključuje ugovore u kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, monitoring implementacije prihvaćenog biznis plana i namjenski utrošak sredstava.

SADRŽAJ PRIJAVE ZA SUDJELOVANJE U JAVNOM POZIVU

Prijava mora biti potpuna i uz nju mora biti dostavljena sva dokumentacija tražena Javnim pozivom.

Prijava sadrži:

a) Obrazac prijave

b) Obrazac biznis plana

c) Potvrdu od JU Služba za zapošljavanje Kantona Sarajevo - Biro Vogošća da se osoba nalazi

na evidenciji nezaposlenih lica, ne stariju od 30 dana

d) CIPS obrazac prijave prebivališta, ne stariji od 30 dana

e) Kopiju lične karte

f) Dokaz o završenom stepenu školske spreme VSS ili SSS (kopija diplome)

g) Izjava o namjenskom utrošku dodijeljenih sredstava

h) Izjava da aplikant nije u prethodne 3 godine koristio bespovratna sredstva iz drugih izvora (sredstva svih nivoa vlasti, donatorska sredstva i sl.) u svrhu samozapošljavanja i/ili pokretanja biznisa, a po osnovu prijavljene poslovne ideje

Biznis plan mora biti dostavljen na aplikacionom obrascu.

NAČIN PREUZIMANJA POTREBNE DOKUMENTACIJE

Nakon što Općina Vogošća objavi Javni poziv za podnošenje prijave, sva zainteresirana lica mogu preuzeti odgovarajuće obrasce za prijavu sa web stranice Općine Vogošća www.vogosca.ba, ili u šalter sali Općine Vogošća.

NAČIN PODNOŠENJA PRIJAVE

Javni poziv ostaje otvoren 20 dana od dana objavljivanja na web stranici Općine Vogošća. Prijave se mogu dostaviti putem preporučene pošte, ili lično u šalter sali Općine Vogošća, adresa:

Općina Vogošća, Ulica Jošanička broj 80, 71320 Vogošća.

Dokaz da je aplikacija dostavljena u roku predstavlja datum na poštanskom žigu ili dostavnici.

Sve prijave koje se dostavljaju po osnovu ovog Javnog poziva moraju biti u zatvorenoj koverti sa naznakom: „**JAVNI POZIV - SUFINANSIRANJE POSLOVNIH PLANOVA ZA RAZVOJ PODUZETNIŠTVA I ZAPOŠLJAVANJA MLADIH“ U 2024. GODINI.**

Nepotpune prijave se neće uzimati u razmatranje.

U postupku ovog Javnog poziva Općina Vogošća ne snosi nikakve troškove aplikantima. Prispjela dokumentacija se neće vraćati.

Broj: 03-15-1855/24
Vogošća, 5.11.2024. godine


OPĆINSKI NAČELNIK
Migdad Hasanović
Migdad Hasanović